



Vischnaunca
Tujetsch

**Lescha davart il parcar e campar
sin intschess communal da Tujetsch (LPCT)**

**Approbada entras la radunonza da vischnaunca dils 18 d'uost 2023
Entrada en vigor: 1 da december 2023**

TABLA DA CUNTEGN

I. Determinaziuns generalas

- Art. 1 En general
- Art. 2 Definiziun
- Art. 3 Concept da parcar

II. Parcar sin intschess communal - diever

- Art. 4 Parcadis publics - determinaziuns
- Art. 5 Parcadis publics - scamonds e limitaziuns
- Art. 6 Parcar ordeifer ils parcadis publics

III. Lubientschas e taxas pils parcadis publics

- Art. 7 Parcar
- Art. 8 Determinaziuns pils parcadis
- Art. 9 Lubientscha da parcar permanent
- Art. 10 Taxas
- Art. 11 Diever dallas taxas
- Art. 12 Responsablidad

IV. Campar sin intschess communal

- Art. 13 Scamonds e lubientschas excepziunalas

V. Determinaziuns finalas

- Art. 14 Execuziun
- Art. 15 Disposiziuns penalas
- Art. 16 Entrada en vigur ed abrogaziun dil dretg vertent

Sebasond sin las determinaziuns correspondentas dalla lescha da baghegiar relai la vischnaunca da Tujetsch la suandonta lescha davart il parcar e campar sin intschess communal da Tujetsch:

I. Determinaziuns generalas

Art. 1

En general Questa lescha regla igl uorden da parcar sin areals publics e sin igl ulteriur terren dalla vischnaunca da Tujetsch sco era il campar sin quei intschess.

Art. 2

Definiziun ¹ Sco parcadis publics sin terren communal valan ils loghens da parcar per vehichels a motor signalisai, ils quals ein en possess ni en dretg d'utilisaziun dalla vischnaunca da Tujetsch ed accessibels per la publicitad.

² Tier plazzas da campar setracta ei d'areals destinai per far tenda ni plazzar rulottas, pils quals ina lubientscha da menaschi ei vegnida concedida.

Art. 3

Concept da parcar ¹ La suprastonza communal ha elavurau in concept da parcar per la vischnaunca da Tujetsch.

² Il concept vala sco basa fundamentala per il relasch da questa lescha e l'ordinaziun.

II. Parcar sin intschess communal – diever

Art. 4

Parcadis publics - determinaziuns ¹ Sin igl entir territori dalla vischnaunca eis ei da principi lubiu sulettamein da parcar sin areals ch'ei signalisai sco parcadis publics.

² La suprastonza communal definescha las categorias dils parcadis publics e las determinaziuns valeivlas per tals en l'ordinaziun.

³ En cass specials, per exempel a caschun d'occurrenzas, sa la suprastonza communal adattar ni cumpletar las determinaziuns da parcar temporarmein sco era schar a tscheins parcadis.

⁴ Priu il cass che descargadas da marcanzia, survetschs da servis e lavurs da construcziun ein sulettamein pusseivlas naven da parcadis cun ina restricziun dil temps ni mo naven d'ordeifer ils parcadis

signalisai, ei l'administraziun communal legitimada da conceder ina lubientscha da surpassar il temps da parcar maximal respectivamein ina lubientscha da parcar ordeifer ils parcadis signalisai.

⁵ La suprastonza communal ei legitimada da definir temporarmein ulteriurs parcadis publics sin terren communal.

Art. 5

Parcadis publics
- scamonds e
limitaziuns

¹ Igl ei lubiu da parcar sin ils parcadis publics mo vehichels a motor cun ina peisa maximala da 3'500 kg (*levs vehichels a motor*), vehichels levs, vehichels pigns e vehichels a motor cun treis rodas el senn dall'Ordinaziun federala davart las pretensiuns tecnicas a vehichels stradals.

² Il parcar a liunga vesta (sur 24 uras) d'auters vehichels a motor, da rulottas, cars annexs, maschinas agricolas e semegliantas maschinas sin parcadis publics ei scumandau. Il medem vala per vehichels buca immatriculai ni senza numera. Tier cass specials sa la suprastonza communal conceder lubientschas excepziunalas.

³ Gronds bus, camiuns e vehichels da baghegiar eis ei lubiu da parcar sulettamein sin parcadis publics ch'ei signalisai per quei diever. La suprastonza communal sa conceder lubientschas excepziunalas per parcar quels vehichels en auters loghens.

Art. 6

Parcar ordeifer
ils parcadis
publics

¹ Sin terren communal enteifer ils vitgs (zona da habitar) eis ei lubiu sulettamein da parcar sin parcadis publics.

² Ordeifer ils vitgs eis ei lubiu da parcar temporarmein sin terren communal. Il vehichel astga buca impedir l'agricultura, il menaschi communal ed igl ulteriur traffic.

III. Lubientschas e taxas pils parcadis

Art. 7

Parcar

Sils parcadis publics eis ei pusseivel da parcar cun pagar ina taxa ni cun lubientscha permanenta.

Art. 8

Determinaziuns
pils parcadis

Las differentas determinaziuns pils parcadis ein regladas ell'ordinaziun corrispudenta.

Art. 9

Lubientscha da
parcar
permanenta

¹ Scadin possessur d'auto domiciliaus en vischnaunca che sa buca satisfar a sia obligaziun da procurar per il plaz da parcar sin agen terren, sco era tuts proprietaris da casas ed implonts che disponan buca dil spazi da parcadi previus tenor la lescha da baghegiar ni che san far diever dad els mo duront ina part digl onn, san cumprar ina lubientscha per parcar permanentamein (*lubientscha digl onn*) sils parcadis publics, priu il cass che avunda parcadis ein disponibels.

² Sper las gruppas tenor alinea 1 da quest artechel han medemamein tuttas ulteriuras persunas la pusseivladad da cumprar ina lubientscha per parcar permanentamein sin il spazi giavischau, priu il cass che avunda parcadis ein disponibels (emprema prioritad han persunas tenor alinea 1).

³ Per mintga lubientscha da parcar sa vegnir indicau maximalmein duas numeras da vehichels. Ei astga denton buca vegnir parcau omisdus vehichels il medem mument sin in parcadi public. La lubientscha ei buca transmissibla e vala per parcar sin in plaz dessignau senza il dretg sin in plaz specific.

Art. 10

Taxas

¹ La taxa pil diever dils parcadis vegn incassada suenter la spiraziun dil temps da parcar gratuit. Ella schai denter frs. 0.40 e frs. 2.00 l'ura. Ina reducziun dalla taxa suenter in cert temps da parcar ei lubida. Tier parcadis cun uras da parcar vegn la taxa incassada naven dad immediat.

² Las taxas pil diever permanent dils parcadis cun ina lubientscha (art. 9) muntan a:

a) taxa dall'jamna	frs. 30.00	–	frs. 80.00
b) taxa dil meins	frs. 100.00	–	frs. 200.00
c) taxa digl onn	frs. 300.00	–	frs. 600.00

³ Menaschis da commerci sco hotels, ustrias, casas da colonia, fatschentas da victualas, mazlarias, pasternarias retscheivan ina reducziun da 50% sin la taxa pil diever permanent (carta digl onn).

⁴ La taxa per ina lubientscha excepziunala (art. 5 alinea 2 e 3) sedrezza tenor alinea 2 da quest artechel.

⁵ La taxa da diever dils parcadis (art. 4) munta denter frs. 3.50 e frs. 7.00 per di.

⁶ La suprastonza communal fixescha las differentas taxas da parcar ella rama da quest artechel ell'ordinaziun corrispundenta.

Art. 11

Diever dallas
taxas Las entradas ord las taxas da parcar vegnan impundidas pil manteniment dils parcadis, per las controllas e las ulteriuras lavurs en connex cun l'administraziun dils parcadis publics.

Art. 12

Responsablidad La vischnaunca da Tujetsch surpren negina responsablidad per donns caschunai vid vehichels ch'ei parcai sin parcadis publics e sin ulterior terren communal ni per enguladetschs da tals vehichels.

IV. Campar sin intschess communal

Art. 13

Scamonds e
lubientschas
excepciunalas ¹ Igl ei scumandau da campar sin igl entir intschess communal ordeifer las plazzas da campar che disponan d'ina lubientscha da menaschi.

² La suprastonza communal sa conceder lubientschas excepciunalas per campar durant in temps restrenschiu da maximalmein 14 dis ordeifer las plazzas da campar per:

- a) organisaziuns da giuvenils
- b) organisaturs d'occurrenz
- c) auters cass giustificai

³ Las lubientschas excepciunalas astgan buca cunterfar ad interess publics ni privats. Il campar succeda sin atgna responsablidad.

⁴ La suprastonza communal fixescha ina taxa per ina lubientscha excepciunala, la quala schai denter frs. 100.00 e frs. 200.00. En cass specials sa la taxa vegnir reducida ni relaschada, cunzun sche negins interess economics vegnan persequitai. Per las lubientschas per camps da colonias vegn incassau negina taxa.

V. Determinaziuns finalas

Art. 14

Execuziun ¹ L'execuziun da questa lescha cumpeta alla suprastonza communal, medemamein las controllas necessarias. Ella sa delegar quella cumpetenza als funcziunaris communs ni a tiarzas personas.

² Las determinaziuns per l'execuziun da questa lescha vegnan stipuladas en l'ordinaziun.

Art. 15

Mieds legals Encunter disposiziuns dalla suprastanza communal sin fundament da questa lescha e l'ordinaziun sa ei vegnir recurriu a scret enteifer 30 dis dapi la communicaziun tier la Dertgira administrativa dil cantun.

Art. 16

Disposiziuns ¹ La suprastanza communal fixescha las differentas multas per penalas surpassaments da questa lescha e l'altezia da quellas sco era ils cuosts resultonts che san vegni adossai als inculpaders en l'ordinaziun. La suprastanza communal sa fixar multas tochen a frs. 500.00.

² Ils funcziunaris comunals ni tiarzas persunas ch'ei autorisadas d'incassar la multa vegnan definai entras la suprastanza communal.

³ Resalvadas restan las perscripziuns dil dretg surordinau, en special las sancziuns da surpassaments dallas reglas dil traffic tenor la lescha federala davart il traffic sin via.

Art. 17

Entrada en vigur ¹ Questa lescha ei vegnida approvada dalla radunonza da ed abrogaziun vischnaunca ils 18 d'uost 2023 e passa en vigur sigl 1 da december dil dretg vertent 2023.

² Cun l'entrada en vigur dalla presenta lescha vegnan tut ils conclus da vischnaunca ch'ei cuntradictoris a questa lescha abrogai.